

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01

Datum:

PRIJEDLOG

Na osnovu člana 14. Zakona o komunalnim djelatnostima («Službene novine ZE-DO kantona», broj: 17/08), člana 8. Zakona o principima lokalne samouprave u FBiH ("Službene novine FBiH", broj: 49/06), i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj _____ sjednici održanoj dana _____ 2017. donijelo je

**ODLUKU
o izmjenama i dopunama Odluke o komunalnom
redu i sanitarnom minimumu**

Član 1.

U Odluci o komunalnom redu i sanitarnom minimumu ("Službeni glasnik Općine Tešanj", broj: 3/10 i 10/11) član 8. stav 5. mijenja se i glasi:

- (1) "Krupni otpad se može predati na deponovanje na gradsku deponiju jedan vikend (subota i nedjelja) u mjesecu aprilu ili maju, o čemu će nadležno preduzeće blagovremeno izdati obavijest.
- (2) Sva domaćinstva na području Općine mogu bez naknade, uz predočen posljednji obračun ili uz plaćen račun za mjesec mart tekuće godine, dovesti krupni otpad na deponiju bez naknade."

Član 2.

Član 11. stav 5. mijenja se i glasi:

- (1) "Spremnici za posebne vrste otpada postavljaju se na eko-otoke, posebno se označavaju sa jasno vidljivom oznakom za koju vrstu korisnog otpada su namijenjeni."

Član 3.

Iza člana 11. dodaje s novi član 11a) koji glasi:

- (1) "Na eko-otocima postavljaju se međusobno odvojeni spremnici za odlaganje PET ambalaže, papira i stakla.
- (2) Posude za odvojeno prikupljanje otpada koriste se u skladu sa njihovom namjenom.
- (3) Nadležno preduzeće ima isključivo pravo raspolaganja otpadom odloženim na eko-otocima.
- (4) Nadležno preduzeće dužno je redovno prazniti kontejnere na eko-otocima te s prikupljenim korisnim otpadom postupati u skladu sa zakonom.
- (5) Oštećene spremnike na eko ostrvima nadležno preduzeće u obavezi je u što kraćem roku zamijeniti novim."

Član 4.

U članu 18. stav 3. mijenja se i glasi:

- (1) "Smeće rasuto prilikom odlaganja otpada ispred objekata kolektivnog stanovanja, dužni su očistiti radnici koji odvoze smeće, a cijena je uključena u ukupne troškove odvoza smeća."

Član 5.

U poglavlju 2. Privremeno zauzimanje javnih površina brišu se članovi 39. do 49. Odluke o komunalnom redu i sanitarnom minimumu a dodaje tekst:

- (1) "Stupanjem na snagu Odluke o korištenju javnih površina, prestalo je da važi poglavlje 2. Privremeno zauzimanje javnih površina iz ove Odluke."

Član 6.

Član 133. mijenja se i glasi:

(1) "U vršenju komunalnog nadzora komunalni redar dužan je i ovlašten da:

- upozorava fizička i pravna lica na ponašanja u skladu sa ovom Odlukom,
- obavještava komunalnog, vodnog i sanitarnog inspektora o slučajevima neizvršavanja odredbi ove Odluke, te na osnovu utvrđenog stanja priprema podatke komunalnom, vodnom i sanitarnom inspektorima za izdavanje prekršajnog naloga ili pokretanje prekršajnog postupka,
- pomaže komunalnom, vodnom i sanitarnom inspektorima u obavljanju njegovih poslova,
- nadzire provedbu Programa komunalne higijene i predlaže mjere za njegovo poboljšanje,
- saraduje sa tehničkim sekretarima mjesnih zajednica na očuvanju i zaštiti životne sredine, i
- obavlja i druge poslove koji mu se povjere.

Član 7.

U članu 141. stav 1. tačka 2., mijenja se i glasi:

(1) "ako ne postupi u skladu sa članom 9. stav 3."

Član 8.

U članu 141. stav 1. dodaje se nova tačka 82. koja glasi:

(1) "ako ne postupi u skladu sa članom 11a) stav 4. i 5."

Član 9.

U članu 141. stav 1. dodaje se nova tačka 83. koja glasi:

(1) "ako ne prihvati krupni otpad u skladu sa članom 8. stav 5."

Član 10.

U članu 141. stav 1. brišu se tačke od 27. do 31.

Član 11.

U članu 142. stav 1. dodaje se nova tačka 35. koja glasi:

(1) "ako postupa suprotno članu 11a) stav 2."

Član 12.

Ova Odluka stupa na snagu osmog dana od dana objavljivanja u «Službenom glasniku Općine Tešanj».

PREDSJEDAVAJUĆI VIJEĆA

Subašić Senad, dipl.ecc.

Obrazloženje

I PRAVNI OSNOV

Pravni osnov za donošenje ove Odluke sadržan je u članu 14. Zakona o komunalnim djelatnostima («Službene novine ZE-DO kantona», broj: 17/08), članu 8. Zakona o principima lokalne samouprave u FBiH ("Službene novine FBiH", broj: 49/06) i članu 14. Statuta Općine Tešanj («Službeni glasnik Općine Tešanj», broj: 11/07).

II RAZLOZI ZA DONOŠENJE

Prilikom kandidovanja projekta izrade dokumentacije za tehnički neuređene općinske deponije kod Federalnog ministarstva okoliša i turizma, Općinski načelnik je dajući izjavu potrebnu kod apliciranja, preuzeo obavezu da će kroz postojeću Odluku o komunalnom redu i sanitarnom minimumu, obezbjediti odredbe o selektiranju otpada.

U skladu sa ovom preuzetom obavezom, a i zbog činjenice da na području Općine već egzistira 25 eko-otoka na kojima se vrši selektiranje otpada a ista nisu predmet razmatranja Odluke o komunalnom redu i sanitarnom minimumu bilo je potrebno ovu problematiku pobliže definisati i regulisati Odlukom u smislu pražnjenja i staranja o spremnicima na eko-ostrvima (član 3. ove Odluke).

Osim toga bilo je potrebno razmotriti i neka druga aktuelna pitanja oko unapređenja prikupljanja otpada na području Općine te sagledati potrebu usklađivanja pojedinih odredbi odluke sa određenim novim saznanjima sa terena.


Da bi se na svaki način umanjio broj ilegalnih deponija otpada za koja se na godišnjem nivou izdvajaju budžetska sredstva, ugrađena je u član 8. Odluke odredba o godišnjem prikupljanju krutog otpada, te ugrađen stav 2. člana 2. Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata (član 5. ove Odluke).

Komunalnu oblast karakteriše veliki broj problema koji se teško mogu pokriti i riješiti jednim izvršiocom (komunalni inspektor) pa je procijenjeno da je potrebno dograditi odredbe vezane za komunalnog redara (član 6. ove Odluke).

U skladu sa predloženim izmjenama, predložene su i izmjene kaznenih odredbi.


OBRADIVAČ
Služba za finansije, privredu, komunalne
i inspeksijske poslove

Hamzalija Hojkurić, dipl.ecc



OPĆINSKI NAČELNIK

Mr. sci. Suad Huskić



Broj: 02-02-1-187-5/16

Dana: 13.10.2017. god.

